



Universitätsbibliothek Paderborn

**Croesvs Et Codrvs. hoc est, Copiæ Et Inopiæ Damna vel
Lvcra, à bono iustoq[ue] Mundi Gubernatore Deo
Distribvta**

Stengel, Georg

Ingolstadij, 1648

§. 6. Amor paupertatis fons liberalitatis.

[urn:nbn:de:hbz:466:1-52359](https://nbn-resolving.de/urn:nbn:de:hbz:466:1-52359)

274 Cap. XI. Pauperum diuitiis,
in Namine IESV Christi Nazareni surgit
ambula. Plus fuit usum membrorum dare,
quam aurum & argentum; cum & ipsi au-
ri, quid non auri & argenti darent, ut
podagram a se excuterent, usumque pedum
recuperarent?

§. VI.

Amor paupertatis fons liberalitatis.

Suprac. 2. Avaritia, quae cum diuitiis crescit, pau-
§. 3. pertatem voluntariam habet e diametro
pugnantem. Nam de ijs, qui eam inuiti fe-
runt, non loquor, in prima scilicet classe
supra ab Hugone comprehensis. Quisquis
enim paupertatem amat, non amat pecu-
nias, sed vilipendit, spernit, spargit, abi-
cit. Quare nemo voluntario paupere est li-
beralior. Siquidem liberalissimus est, qui
omnia donat. Donat autem omnia, qui om-
nia, propter Deum, vel sibi patitur liben-
ter auferri, vel vltro dat pauperibus, aut
tempulis, aut Dei amicis; atque hac ipsa
liberalitate, non tantum ostendit, se pau-
pertatem diuitiis anteferre, sed etiam vere
dominum esse suarum diuitiarum. Nam,
teste S. Hieronymo, *Qui diuitiarum seruus
est, diuitias custodit, ut seruus; qui autem
seruitutis discusserit ingum, distribuit eas,* ut
Domiu-

Dominus. Inueniuntur quidem & diuites liberales , pauci tamen eorum sunt promi
magis , quām condi ; cūm interea vltronei
paupēres plenis modijs opes suas in egenos
profundant. Immo , si liberalitas est vir-
tus bene dispensandi diuitias in vsus bonos
sibi suisque , & alijs; nemo tali paupere vel
sibi , vel suis , vel alijs melius pecunias suas
dispensat. Quis enim maiores facit largitio-
nes , sine spe retributionis , in hac terra? Etsi
parum habet , non tamen parum dat , qui
omnia dat. Überier est nummus ex paruo ,
quām thesaurus ex maximo : quia non tantum
quod datur , sed quantum desiderat , perpendi-
tur. Nemo plus tribuit , quām qui sibi nil re-
liquit , ait S. Ambrosius. Animus vocatur
liberalis & manus ; sed manus propter ani-
mum. Quantus ergo animus est , tantā est
liberalitas. Potest igitur & in paupere , qui
vel parum , vel nihil habet in manu , ma-
gna liberalitas esse ; quia magnis illi saepe
numero animus est diuitias bene dispensan-
di. Quod vel ex Seneca audi , ita enim lo-
quitur: *Si beneficia in rebus , non in ipsa be-*
nefaciendi voluntate considerent , eò maiora
essent , quò maiora sunt , quæ accepimus. Id au-
tem falso est , nam non quam tuim nos magis

S. Thom.
2. 2. q.
117. a. 16

S. Amb.
lib. 1. de
viduis.

Senec.
lib. 1. de
beneficijs
c. 7.

obligat, qui dedit parua magnifice, qui regum aquauit opes animo: qui exiguum tribuit, sed libenter, qui paupertatis sua oblitus est, dum meam respicit, qui non voluntatem tantum suandi habuit, sed cupiditatem, qui accipere sibi putauit beneficium, cum daret; qui dedit tamquam non recepturus, recipit tamquam non deferset: qui occasionem, qua prodeffent, & occupauit, & quæsivit. Contra ingrata sunt, ut dixi, licet re ac specie magna videantur, quædant aut extorquentur, aut excidunt: multoq[ue] grauius venit, quod facili, quam quod plena manus datur. Exiguum est, quod in me contulit, sed amplius non potuit. At hic, quod dedit, magnum est: sed dubitauit, sed distulit, sed cum daret gemuit, sed superbè dedit, sed circumstulit, & placere, non ei, cui præstabat, voluit. Ambitioni dedit, non mihi. Socrati cùm multi pro suis quique facultatibus offerrent: Aeschines pauper auditor, nihil, inquit, dignum te, quod dare tibi possum, inuenio, & hoc un modo pauperem me esse sentio. Itaque dono tibi, quod unum habeo, meipsum. Hoc manus rogo, qualecumq[ue] est, boni consulas, cogiteq[ue] alios, cùm multum tibi darent, plus sibi reliquisse. Cui Socrates: Quidni tu, inquit, mihi magnum manus dederis, nisi forte paruo te afflui-

mas? Habebo itaque cura, ut te meliorem tibi reddam, quam accepi. Vicit Æschines hoc munere Alcibiadis parem diuitijs animum, & omnem juuenum opulentorum munificentiam. Vides, quam animus inueniat liberalitatis materiam, etiam inter angustias? Videtur mihi dixisse: nihil egisti, fortuna, quod me pauperem esse voluisti: expediam nihilominus dignum huic viro manus; & quia de tuo non possum, de meo dabo. Neque est, quod existimes illum villem sibi fuisse, qui pretium se sui fecit: ingeniosus adolescens inuenit, quemadmodum Socratem sibi daret. Non quanti quæq; sint, sed à quali dentur, perspiciendum. Hæc de pauperis Philosophi liberalitate Seneca.

§. VII.

Paupertas etiam per miracula fit liberalis.

Quid quod & Deus, pauperibus suppeditat, vnde possint, non solum muneribus animū, sed etiam animo munera æquare, etiam cum aliàs nihil habent; vel certè parum. Dixit Abbas Euagrius, fuisse quemdam fratrem, qui nihil habuit in substantia sua, nisi tantum Euangelium, & ipsum vendidit in pauperum nutrimento: dicens quodam verbo quod memoria dignum est commendari:

S 3

Ipsum

Ex lib. 5.
de virtus
PP. &
Ruffin.
lib. 3.
num 704